

ოზურგეთის მუნიციპალიტეტის

„ა(ა)იპ რაგბის განვითარების კავშირი“-ს

2020 წელს გაწეული მუშაობის

ა ნ გ ა რ ი შ ი

საანგარიშო პერიოდში რაგბის განვითარების კავშირში დასაქმებული იყო 50 ადამიანი, მათ შორის შვიდი შტატით, 43 ხელშეკრულებით.

წლის განმავლობაში ადგილობრივი ბიუჯეტიდან გახარჯულია 329277ლარი, საკუთარი შემოსავლებიდან (რაგბის კავშირიდან) – 70000 ლარი, სულ 399277 ლარი. მათ შორის თანამდებობრივი სარგო -76893 ლარი, შტატგარეშე მომუშავეთა ანაზღაურება - 263215 ლარი, სამედიცინო ხარჯი - 3000 ლარი და ა.შ.

ხელშეკრულებით აყვანილი მოსამსახურეები არიან ძირითადად რაგბისტები.

როგორც ყოველთვის საანგარიშო პერიოდში რაგბის განვითარების კავშირის ძირითადი მიზანი იყო პირველი ლიგის ჩემპიონატისთვის მზადება და სეზონის წარმატებით დაწყება. ასევე ჭაბუკთა და ბავშვთა რაგბის აღორძინებაზე ზრუნვა, რაგბის განვითარების ხელშემწყობი გარემოს შექმნა, ცხოვრების ჯანსაღი წესის ჩამოყალიბების ხელშეწყობა. სარაგბო კლუბმა „არწივები“ ახალი სეზონისათვის მზადება დაიწყო 10 მაისიდან კოვიდ-19 რეგულაციების გათვალისწინებით.

ჭაბუკთა გუნდმა ვარჯიში დაიწყო პირველი აგვისტოდან. საფესტივალო ასაკის ბავშვთა ჯგუფების ტურნირები დაიწყო სექტემბერში და პანდემიის გამო ისევ დაიხურა. ჭაბუკთა ბ ლიგის გათამაშებაც შეწყდა ნოემბრის თვიდან.

ძირითადი გუნდი შეივსო კლუბის აღზრდილი ადგილობრივი მოთამაშეებით, რომლებიც სხვადასხვა მიზეზის გამო წასული იყვნენ გუნდიდან. გუნდში მოწვეული იქნა პროფესიონალი მწვრთნელები, ექიმი-მასაჟისტი. კლუბმა მიიღო სერიოზული შევსება და ახალ სეზონს ყოველნაირად მომზადებული შეხვდა.

ჩატარდა სარემონტო სამუშაოები, კეთილმოეწყო გასახდელები და სველი წერტილები, სისტემატიურად ხდება მედიკამენტების შეძენა, გარემონტდა და ექვსი მეტრით გაიზარდა სათადარიგო მოთამაშეების და კომისრის მოსაცდელი.

კლუბისთვის შეძენილი იქნა უმაღლესი ხარისხის სპორტული ფორმა, ეკიპირება, ხარისხიანი ბურთები და სხვადასხვა ინვენტარი. ყველა პირობაა შექმნილი იმისათვის, რომ სპორტსმენებმა ვარჯიში ნორმალურ პირობებში წარმართონ.

გუნდმა წარმატებით დაიწყო ახალი სეზონი, ვირუსის გამო სამწუხაროდ ბევრი თამაშები გადადებულია.

რაგბის განვითარების კავშირი მზად არის იმოქმედოს მუნიციპალიტეტის ხელმძღვანელობის და საქართველოს რაგბის კავშირის მითითებების შესაბამისად.

დირექტორი:  /ზ. ლლონტი/

